



AMISTAD

November 1982

Fls. 2.50

Biblioteca Publico
O'stad.
Alhier



NOV - 8 1982

Foto



Checkpoint

Color

Zr. Cecilia,
25 anja
den enseyansa na Aruba!!
Chikito den tamayo pero
grandi den balor!!

AMISTAD

REVISTA MENSUAL

Imprimi na: Oranjestad Printing

Nada for di e revista aki mag worde copia y/of publica pa medio di imprenta, fotocopia, microfilm of cual otro manera cu ta sin permiso previo por escrito di redaccion.

Redaccion: R. Lee
 Propaganda: R. Croes
 Fotografo: O. de Cuba
 Direccion: Oficina AMISTAD
 P.O. Box 611
 Repr. na Bonaire: Sr. Esmeraldo George
 Entrejol 153-A
 Bonaire, A.H.
 Tel: 4222

PRIJS DI ABONO

	pa un aña	pa mitar aña
Aruba	f. 21,50	f. 11,50
Corsow, Bonaire y Isla Ariba	f. 22,50	f. 12,--
Hulanda y Estados Unidos	f. 38,--	f. 19,--





TISSOT
PRISICOL



**SPRITZER +
FUHRMANN**



TISSOT

ARUBA
 BONAIRE
 CURACAO
 ST. MAARTEN
 NEW YORK

100 aña
 dunando
 servicio  INVENCIBLE

PA UN BON Y BUNITA REGALO
 bishita:

JOYERIA Y RELOJERIA

**Olga
 Vasquez**

Nassastraat 66 - Aruba - Tel. 22023

Si bo bay Barranquilla y bo ta pensa di bishita un dentista, bishita e conocido dentista di tur e Antiyanonan:

LUIS E. GARZON

Dentista

Miembro de la Asociacion Odontologica Nacional

Calle 45-43110
 Carrera 44 No. 34-54
 Apartado Aéreo 901
 Barranquilla S.A.

Telefonos:
 Residencia: 341-305 - Oficina: 311-111

REVISTA AMISTAD



AWOR MIHOR
 CU NUNCA Y
 PRONTO TUR
 NA COLOR

CONTENIDO

Zuster Cecilia
25 aña den enseñanza
y 25 aña na Aruba

Increible: Awa ariba lista
di Compras

E etapa di bida más
temí pa e ser humano:
"E tercer edad"

Esposa di un Politico

Homosexualismo:
no ta un enfermedad

E epidemia Herpes

Criminalidad ta
sigui aumenta

M.A.N. cu direccion
comunista?

No confia politiconan
di Corsow

Pagina Internacional

y
e popular

Cartanan Ricibi

Zuster Cecilia 25 ANJA DEN ENSEÑANSA Y 25 ANJA NA ARUBA

ZUSTER CECILIA? STIMA PA UN Y TUR DEN E PUEBLO DI SANTA CRUZ. UN PERSONA CU A SACRIFICA HOPI DI SU TEMPONAN LIBER PA YUDA E HUBENTUD DI ARUBA DEN EDUCACION, CONSEHO Y A GUIA NAN SEMPER Ariba un bon caminda. UN RELIGIOSA CU TA DEDICA SU TEMPO LIBER PA YUDA ESNAN MENOS AFORTUNA. DEN SU TEMPO LIBER E TA REZA CU ENFERMONAN Y CONSOLA NAN DEN NAN DOLOR. DEN SU TEMPO LIBER E TA BISHITA ENFERMONAN NA HOSPITAL, KENDENAN NO TIN FAMILIA CU TA WORRY CU NAN, MESCOS TAMBE ESTRANHERONAN HOSPITALIZA. DEN SANTA CRUZ E TA REZA CU



ESNAN MENOS AFORTUNA Y TA BISHITA CASNAN DI ANCIANONAN PA CONSOLA NAN. ZUSTER CECILIA TA UN PERSONA, UN RELIGIOSA CU NO SA KIKO TA NIFICA E PALABRA SACRIFICIO, PERO TA CONSIDERA SU TRABOWNAN, COMO SU DEBER DEN CUMPLIMENTO CU BOLUNTAD DI DIOS. EXACTAMENTE CU E PERSONA AKI, STIMA PA UN Y TUR DEN SANTA CRUZ, REVISTA AMISTAD A HIBA UN COMBERSACION SUMAMENTE INTERESANTE Y VALIOSO.

Amistad: Zuster conta nos algo di bo hubentud?

Zuster: Mi a nace na Groenlo Gelderland di un famia pover. Nos ta 8 ruman den total, esta cu mi inclui. Mi a pasa mi hubentud, mescos cu cualquier mucha mujer di e tempo ey.

Amistad: Con Zuster kier meen mescos cu cualquier mucha mujer di e tempo ey?

Zuster: Semper mi ta gusta baila y mi por hacie bon tambe. Mi tabata sali bai baila cu amigonan, pero na e manera di e tempo ey, esta tur cos tabata otro. Mi mayornan tabata masha streng y nan tabata permiti nos sali, pero acompaña pa ruman y nos mester yega cas na ora stipula. Cos no tabata moderno manera awor, na unda bo ta mas liber, pero nos tabata djis sali baila, combersa y bin cas tempran.

Amistad: Zuster tabata tin un bon amigo tambe?

Zuster: Honestamente bisa si, pero mi no por a gañe, pasobra mi no tabata sinti di berdad pa un mucha homber, pasobra semper tabata tin un stem, cual mi ta considera stem di Dios cu tabata bisa mi otro cos. Mi sentimento tabata bisa mi pa duna mi amor na Dios.

Amistad: Cu cuanto aña zuster a sinti vocacion pa bira religiosa?



E ex-alumnonan durante un recepcion pa recorda cu 25 aña pasa Zr. Cecilia a cuminsa den enseñanza aki na Aruba a sorprende cu regalonan.

SEIKO



SPRITZER + FUHRMANN

THE JEWELERS OF THE CARIBBEAN

ARUBA BONAIRE CURAÇAO ST. MAARTEN NEW YORK

Zuster: For di chikito, manera mi a bisa bo caba mi tabata tende Dios su bos cu ta pidi mi dune mi amor y dedica mi bida na dje. Esaki tabata nifica un lucha cu mi pensamiento, esta si ta berdad mi mester tuma e desicion aki.

Amistad: Zuster tin mas famia cu ta religioso?

Zuster: Si, mi tin dos tanta cu ta religiosa, un cu a traha 50 aña na Corsow y otro cu a traha na Java

Indonesia. Mi tin també un ruinan muher cu ta religiosa y un primo cu ta sacerdote. E ruman muher ta traha na Hulanda como directrice di un "Bejaarden Tehuis". E primo ta pastoor di un parokia.

Amistad: Mayornan por a influencia den e desicion?

Zuster: Mi ta di un famia sumamente religiosa y nos tabata reza masha hopi y uni. Mi tata a yega di bisa cu tur dia e ta reza pa Dios escohe siguiera un di su yiunan pa ser religioso y Dios a escohe dos. Apesar cu tabata tempo di guerra un tempo difisil tog nos o ami tabata bai misa tur dia.

Amistad: Zuster tabata segur di e desicion pa a drenta convento?

Zuster: Si, pasobra semper mi a reza pidi Dios pa duna mi un señal, esta si enberdad e no kier mi bira religiosa e laga mi bira berdadero enfermo (malo) prome cu e dia yega cu mi mester drenta convento, esta dia 28 october 1943. E dia aki mi tabata sinti mi mes feliz y mas salud cu nunca y mi a considera cu esaki tabata e señal cu Dios tabata kier pa mi a bira religiosa.

SCHOENEN



Amistad: *Cu cuanto aña di edad zuster a drenta convento?*

Zuster: Manera mi a bisa bo caba for di chikito mi tabata tin e deseo aki, pero semper bo ta duda como hende, si enberdad tabata asina, pasobra e no ta un desicion facil. Entre e edadnan di 18 pa 20 aña ainda mi tabata bringa cu mi pensamiento. Cu mi 22 aña mi a tuma un desicion fiho, pero mi mayornan a pidi mi warda dos aña más, pasobra mi tabata tin ruman chikito ainda. Dia mi a hasi 24 aña mi mag a drenta convento y tabata un dia completo di viahe di unda mi ta biba pa Asten, Brabandt, esaki tambe a sosode den tempo di guerra. Ora mi a pone mi pianan den e convento mi a sinti cu e berdadero paz y tranquilidad tabata den mi, pasobra mi a yega e lugar na unda mi ta pertenece. Nunca, pero nunca mi tin duele te cu awe di a tuma e desicion aki di a bira religiosa.

Amistad: *Di con zuster a escohe pa bira maestra?*

Zuster: No mi no a escohe, mi superior a ordena mi pa mi siña pa maestra y esaki ta un ley di obediencia. Mi mes tabata tin gana di bira enfermera, pasobra ami a siña mas menos den e direcion cu mi tabata hasi un poco di e trabow aki, pero mi mester a obedece.

Amistad: *Pero zuster tabata prepara den educacion pa sigui e studio aki?*

Zuster: No, manera mi a bisa bo nos tabata pover y mi no por a sigui otro estudio, sino ta manera un sorto di Huishoudschool di e tempo ey. Mi a pasa hunto cu mi famia den e catastrofenan di más grandi cu a tuma lugar den e temponan ey na Hulanda.

Amistad: *Zuster mester a bai studia duro pa a termina e estudio di maestra?*

Zuster: Masha duro mes, pasobra mi mester a sigui un "vooropleiding" prome di a drenta "Kweekschool", na unda mi a termina cu "hoofdakte" A y B" cu "wiskunde". Despues cu mi a termina mi a duna les na un school primaria.

Amistad: *Conta nos algo di e bida den Convento?*

Zuster: Bida den convento no tabata severo, pero algo otro. Tur cos ta ordena diariamente o semanalmente, na unda nos mester studia, come hunto, reza hunto, mantene silencio y tabata tin algun recreacionnan planea. Anochi nos tabata bai traha

den barionan, p.e. babysit, cuida enfermo o hendenan bieuw, no pa gana placa, pero, pasobra nos mester obedece. Nos mester sigui ordo di e superiornan. Tabata tempo di guerra y nan a hiba dos di mi primonan preso y matanan despues. Cartana nunca ta yega. Esey ta den tempo di guerra, pero normalmente ta 2 bes pa aña so nos mag scirbi nos famia.

Amistad: *Con zuster por a soporta e bida aki?*

Zuster: Mi a ser yama pa e bida aki. Nos ta siña medita y cu rezamento bo domina tur cos.

Amistad: *Cuanto religiosa tabata tin den convento?*

Zuster: Mas di cien.

Amistad: *Den cuanto tempo zuster a tuma pa a bira religiosa?*

Zuster: Mi a tuma 5 aña, loke ta determina tambe pa bira un religiosa.

Amistad: *Conta nos awor di con zuster a bin Aruba?*

Zuster: Mi no tabata destina pa bin Aruba, pero pa Indonesia. Mi a sigui



Tabata un anochi di berdadero sorpresa pa Zr. Cecilia, organisa pa su ex-alumnonan. Zr. Cecilia a cumpli 25 aña den enseñanza.



Zr. Cecilia meimei di su ex-alumnonan, esaki ta e prome klas di Sint Antonius College.

dos aña di estudio den Maleis na Universidad di Nijmegen. Pa bo traha na Indonesia bo mester di un visa y esaki a dura asina hopi pa mi por a haye, cu nan a puntra mi pa bin traha na Aruba. Mi a biba 2 aña den San Pedro Hospitaal dunando les na Maria College.

Amistad: *Di con zuster a bin traha na Antonious College?*

Zuster: E tempo ey un religioso o religiosa no tabata permiti pa duna les na un school mixto. Obispo Holterman a bin cu e idea pa cuminsa cu un Mulo Catolico mixto na Santa Cruz, e prome den Antiyas y ela haya mi e persona apropia pa dirigi esaki. Despues cu mi a haya permiso mi a acepta.

Amistad: *Cual tabata zuster su experiencianan?*

Zuster: Duro y dificil, pasobra fuera cu mi mester a guia e prome dos klasnan di St. Antonius College, consistiendo di 54 alumnonan, mi tabata cabezante di Maria School tambe cu 650 alumnonan, mi tabata tin dobbel responsabilidad.

Amistad: *Con zuster a pasa su añanan cu Santa Cruz y caul ta e*

experiencianan, esta bon of malo?

Zuster: Masha leuk mes, tur cos ta positivo, e experiencianan ta asina hopi cu mi no por menciona un specifico. Mi a hasi mi trabow cu asina satisfaccion y alegria cu tur cos tabata bon pami. Mi tabata tin un bon personal y hopi lief.

Amistad: *Cual ta e diferencia di e hubentud di antes cu esun di awor?*

Zuster: Ami no ta nota ningun diferencia, papiando di school, pasobra den e sentido aki e muchanan a keda mescos. Awor bo tin cu comprende cu e hubentud tin un bida dobbel, esta un den klas na school anto y e otro pafu di school na unda nan ta cambia.

Amistad: *Kiko zuster ta mira cu mester cambia na school?*

Zuster: Personalmente, mi ta ripiti personalmente mi ta mira cu entusiasmo cu e hubentud por tin nan propio opinion na school. Esaki ta dificil, pasobra ta algun maestro nan so ta acepta esaki. Nan mester crece manera adultonan, nan mester por tin nan propio opinion. Na cas nan tin hopi di bisa o poco di bisa, no tin guia di mayornan. Antes a ser cria masha streng y teni na cas.

Amistad: *Ki tempo zuster ta kere cu e hubentud por ser bon guia door di mayornan?*


Zuster: Ta dura un poco mas te ora cu mayornan cu a haya un bon educacion por guia nan yiunan, p.e. ora cu yiunan di e alumnonan kendenan a termina e prome aña di Sint Antonius College. Mayornan mester por tin cierto educacion. E hubentud mester ser prepara cu nan por tuma desicionnan independiente y responsabel.

Amistad: *Zuster ta kere cu e hubentud di awor tin boluntad pa hasi algo socialmente?*

Zuster: Si, esaki ta un experiencia cu mi mes ta pasa aden, cu algun hobennan, alumnonan di cierto klas di Sint Antonius College, nos a hasi diferente accionnan pa pover y pa hendenan bieuw. Nos ta bezig ta restaurando mas o menos un 10 casnan aki na Santa Cruz y e hobennan ta traha cu amor y orguyo di por hasi algo positivo pa nan districto, nan isla. Nan mester di algun guianan.

Amistad: *Zuster ta kere cu un homber mester casa cu un mujer cu tin cierto educacion?*

Zuster: Mi ta kere cu si, pasobra asina nan por comprende otro mihor den tur sentido. Nan ta comprende trabow di otro. Nan mester por comunica cu otro mentalmente,



ABN

Algemene Bank Nederland n.v.

Aruba Branch

cual ta parti mas importante den un matrimonio. Hopi ta casa pensando ariba sex so, mientras awendia esei ta un parti di un pareha, di un matrimonio. Nan mester dedica nan bida na otro, pasobra den Bijbel mes ta scirbi cu un pareha, despues di matrimonio ta bira un carni, un curpa, nan mester hiba un bida mas intimo.

Amistad: Di con aki na Aruba tin poco religiosonan?

Zuster: Door di e ambiente, pasobra mi no ta kere cu net Aruba Dios ta laga afo entre tur e paisnan di mundo cu si tin diferente religiosonan. E comunidad ta hunga un papel negativo den desicion di un hoben pa bira religioso. Aki na Aruba, mi sa cu tin hopi hobennan cu ta interesa pa bira religioso, dedica nan bida completamente na Dios, pero mayornan semper ta para negativo contra e idea aki enbes di ricibie cu hubilo, cu alegria. Esaki ta hopi tristo, pasobra

mayornan y e comunidad mester ta orguyoso cu un di nan yiunan a ser escohi pa ta su representante. Un famia, esta mayor y yiunan mester por siña reza hunto, pidi fabornan, esaki ta un di e mihor ejemplenan cu un mayor por pasa pa nan yiunan. Mayornan mester reza pidi Dios pa duna un di nan yiunan e vocacion pa bira religioso o religiosa.

Amistad: Zuster ta kere cu enberdad tin hende cu no ta kere cu tin un Dios?

Zuster: Mi no ta kere cu ta existi na mundo un persona asina, pasobra den cualquier forma nan ta manifesta esaki. Kizas nan no ta durf bisa e palabra, pero nan mester ta kere den algo, anto e algo ey ta Dios.

Revista Amistad ta sumamente contento y orguyoso di por a presenta e entrevista aki, pasobra Zuster

Cecilia ta un persona conoci pa ta dedica tur su temponan pa duna conseho na hubentud. Ela yuda hopi di su ex alumnonan busca nan futuro o escohe nan profesion y stimulan pa sigui dilanti.

Pesei tin asina hopi ta stime y ta aprecie.

Hopi atardi y diadomingo e ta pasa bishitando patientnan na hospital o enfermonan na cas. E tin hopi atencion tambe pa e hendenan bieuw, especialmente esnan bandona. Semper e ta cla pa reza pa futuro y salud di cualquier ciudadano. Su deseo di mas grandi ta pe muri y ser dera aki na Aruba, e isla cu tanto e ta stima.

E trabow y sentimento di Zuster Cecilia por ser considera cu esnan cu Madre Zuster Teresa ta hasi.

Nos ta spera cu Gobierno di Aruba sa di dune e honor cu e merece como un persona cu ta hasi asina tanto pa e hubentud di Aruba di cual tin hopi bon frutanan.



playa liquor and bottling co. n.v.
Agente Exclusivo

Engelandstraat 5, Tel: 22787.

The Michelob Drinker's Tear

There are two kinds of Michelob drinkers. Those who mourn the passing of the final drop. And those who relish the anticipation of enjoying their next Michelob.

Both perspectives can be attributed to Michelob's unparalleled smoothness. A smoothness obtained through a unique brewing process perfected in 1896. A process governed not by production schedules, but by the instinct and experience of our brewmasters.

When the finest ingredients obtainable are brewed in this uncompromising manner, the result is a smooth, mellow taste that can only be called Michelob.

So whether the bottle is full or holds only a final drop, Michelob drinkers know...



Prijs pa major y detal Fls. 36,00 pa caha di 24/12 onz.

Some things speak for themselves

INCREIBLE



AWA Ariba LISTA DI COMPRAS

Ta tristo, pero ta berdad cu awor pueblo di Aruba tin un gasto extra ariba nan lista di compras. Awor pueblo mester pone botter di awa tambe ariba nan lista di compras.

Aruba tabata conoci di tabata poceé e calidad di awa di mas limpi y puro na mundo y semper e tabata e orguyo di cualquier Arubano.

Hasta a yega asina lew cu ela ser considera cu un cocktail y tabata ser yama "Balashi cocktail."

E plantanan tanto di awa y coriente ta den un estado deplorable cu den cualquier momento por cai den otro.

Nos no sa cual Gobierno tin fout cu awe na aña 1982, Aruba tin e awa di mas malo na mundo y ta

duel nos cu esnan cu no tin un bon entrada mester bebe e porkeria aki.

E awa indudable tin su efecto nan negativo ariba salud di hende, no solamente pasobra e ta sushi, pero mas aun pasobra e ta di un calidad inferior.

Manera nos a bisa caba no ta importa nos di cual partido e fout ta, pero si ta sigur cu tanto e planta di awa como esun di coriente tabata mester un mihor mantenencion.

Cualquier obheto cu bo zorg pe haya un bon mantenencion ta duna bon resultado.

Ta duel nos cu a yega asina, pasobra Aruba ta un isla turistico y tur esakinan ta contribui pa duna Aruba un mal number.

Pueblo di Aruba mester bai sacrifica te na aña 1984, pagando caro, sperando cu e situacion lo mehora. Nos ta bisa sperando, pasobra te ainda e plantanan di Aquanova no a resulta y ojala cu nan lo resulta.

Nos ta haya straño tambe cu un isla di 65 mil alma mester por sacrifica pa 150 tata di famia na Hulanda no perde nan trabow. Esaki nos ta yama sacrifica pa tog ricibi un mal produccion.

Nos ta spera cu pa prome cu fin di aña Gobierno di Aruba lo tuma desicionnan pa drecha e situacion na W.E.B., pasobra pueblo di Aruba ta desespera.

BEACHNAN BANDA DI CONCORDE HOTEL



Nos ta contento cu Gobierno di Aruba a cuminsa pone hopi atencion pa embeyese e beachnan di Aruba, door di traha hutnan, cual-

nan ta sirbi pa e pueblo y turistanan lo haya un lugar pa pasa dia abow.

Nos ta spera cu Gobierno lo planta tambe matanan pa hacie mas bonita y tambe lo percura pa tin personanan cu por cuida nan.

Nos ta mas contento cu banda di Concorde Hotel, especialmente a bin e hutnan aki, pasobra ey banda

e biento ta terribel y ta casi supla hende benta den lama.

Ta hopi tempo caba cu nos ta pidi e hutnan y matanan banda di e beachnan y nos ta contento cu nos suplicanan a haya atencion.

Awor ta keda na pueblo pa cuida nan y zorg pa semper nan ta limpi, representando un bon bista pa nos bishitantenan.

Pabien

Directiva, hungadornan, miembronan y fanaticonan di Baseball Club



RANGERS

cu e titulo logra di Sub-Campeon di Aruba



Hopi exito den futuro!



**Tropical Bottling
Company Aruba.**

FALTA MAS RECREACIONNAN AKI NA ARUBA



No solamente e turistanan ta di opinion cu mester bin mas recreacionnan, especialmente anochi pa nan, pero hopi di nos propio hendenan ta di opinion cu ta asina.

Aruba no tin net nada pa ofrece su bishitantenan y su pueblo mes, especialmente anochi, cu ta solamente e shownan den hotelnan, cualnan mes ta monotono, presentando un cantante so, casinonan y dos discotecanan, cualnan calidadnan tambe a cuminsa cai bastante.

Otro camindanan bo ta haya shownan extraordinario, lugarnan na unda artistanan local por bin duna show, barnan chikito pero agradabel cu back-ground music, y diferente atraccionnan sublime.

Gobierno tambe mester coopera pa yuda den mantene e bon nomber di e discotecanan y nightclubnan, permitiendone cu lo bin guardianan cu por carga arma.

Esaki ta e problema grandi actualmente na Aruba cu muchanan

sin cultura y comportacion ta dañá ambientenan tur caminda.

Si permiti guardianan cu arma mescos ta e caso den otro paisnan, anto e situacion lo cambia y cualquier ciudadano o turista por drenta cualquier club, discoteca y nightclubnan pa nan por pasa momentonan inolvidable.

Si acaso no tin suficiente interes for di hendenan local pa traha ariba e proyectonan aki, anto Gobierno mester por permiti cu estranheronan si por hacie.

Si Aruba kier sigui depende ariba turismo, anto mester bin mas recreacion y atraccionnan.





amigo de



E CORANT PA TUR DIA

E corant cu diariamente ta ofrecebo:

- *ACTUALIDAD DI TUR ISLA ANTILLANO
- *NOTICIA MAS IMPORTANTE MUNDIAL
- *DEPORTE LOCAL E INTERNACIONAL
- *COMENTARIONAN
- *ENTREVISTA Y REPORTAHE
- *PROGRAMA DI RADIO Y TELEVISION

Yama 24333
y abona
awe mes ariba


AMIGO DI ARUBA

CAMPANJA DI FIN DI ANJA

16 okt. te 31 dec. 1982

Pa cada compra di NAfls. 25,00 un ticket.

PROME PREMIO:
1 National Panasonic TV 19" cu su Videorecorder
 (CT9011) (PV1275)




UNICON



ANTILLIAN
MERCANTILE
CORP.

2 PREMIO
National AIRCO



10.000 BTU



3 PREMIO
Magic Chef

Stove



4 PREMIO

White-Westinghouse

Wringer
Washer



Premionan di Hardware

- 5 Compressor pa Spuit
- 6 Muto-flex-tool
- 7 "Skill" Zaagmachin
- 8 Up Toolbox completo
- 9 Caña di pesca cu su tacklebox

Premionan Domestico

- 10 Stofzuiger
- 11 Aparato pa traha koffie
- 12 Dryer pa cabei
- 13 Hero di strika
- 14 Cuchui Electrico



Antillian Mercantile Corp.

HAVENSTRAAT, ORANJESTAD, TEL. 21804
 B. v/d VEEN ZEPPELFELDTSTRAAT, SAN NICOLAS, TEL. 46016



UNICON

FERGUSONSTRAAT, TEL. 23555

Esposa di un **POLITICO**

Eva Peron a bira e mujer di mas stima y admira mundialmente. Ela destaca asina hopi cu ela roba e popularidad di su defunto esposo, e tempo ey presidente di Argentina, Juan Peron.

Evita, manera tur hende conoce, no solamente a bira popular na Argentina, pero den henter mundo y especialmente na Europa e ta goza di enorme popularidad y aco-hida.

Cualquier persona, kende a lesa e historia di Evita, pero mas aun a mira su pelicula ta di acuerdo cu e articulo aki.

Evita tabata un simpel mucha mujer, pero su deseo di triunfa a haci cu ela yega asina lew di ser considera e mujer mas popular di mundo te cu awe.

Nos a hasi e introduccion chikito aki pa asina nos por demonstra e diferente esposanan di un politico aki na Antiyas y especialmente Aruba cu nan tin un papel sumamente importante den bida di nan esposo.



Tur e parti social mester por keda den nan man y ta e seńoranan aki mester por yuda den engrandece nan esposanan politico.

Trabow di esposa di un politico no mester ta simplemente un acompańante pe durante e recepcionnan so, pero mester por duna un man den cualquier organizacion caricativo o social.

Poco ta esnan cu enberdad ta haciendo esaki actualmente. Ta tristo, pero ta berdad cu hopi biaha ni atende nan no por atende publico, sea cu nan ta sinti nan mes mas superior o simplemente nan no ta prepara pa hasi esaki.

Esaki ta un di e fayonan palpable cu cualquier politico ta encontrando nan mes.

Di otro banda e propio politico-nan mes falta di ser un poco mas social y humano y no a sińa nan les, corda pa duna otronan mihor preparacion.

Naturalmente nan por bisa cu nan no tey pa semper, pero si nan hasi un bon trabow, esaki si ta keda den mente di e pueblo pa eternidad.

Apoyo di un mujer ta importante no solamente den bida di un politico, pero den bida di cualquier homber cu ta pone nan mes disponible pa traha pa comunidad.

Nos ta spera cu e articulo aki lo sirbi como un estimulo pa hende mujernan yuda mas tanto posibel nan esposanan den nan trabownan valioso pa comunidad.

UN ARUBA

DUSHIE

TA UN ARUBA SIN

SUSHIE

E EPIDEMIA HERPES

En coneccion cu e malesa venenico "Herpes" cu tabata bastante den noticia na Antiyas y di cual Dr. Zaandam a duna na Aruba un splicacion amplio cu ilustracion na television, revista Amistad tambe kier a duna un splicacion di e epidemia aki cu nan ta parti den 2 grupo: Herpes I y Herpes II.

Herpes ta conoci for di mas of menos 2 mil anja pasa. Ta worde bisa cu ela causa un epidemia di ulcera den boca asina teribel den e Roma antiguo cu e emperador Tiberio a prohibi sunchi. Shakespeare, den su "Romeo y Julieta" ta papia di blaarnan riba e lipnan femenino.


Den siglo XVIII na Francia, e herpes genitalnan tabata asina comun cerca e prostitutanen cu e tabata worde yama "enfermedad vocacional di e muher."

Pero ta te na anja 1940 a worde descubri cu e herpes ta un virus y 20 anja despues e investigadornan a logra aisla dos clase di herpes. E herpes tipo 1 ta concoci pa produci heridanen den e mucosa (slijmhuud) di e boca. E herpes tipo 2 generalmente ta causa heridanen genital.

E herpes simplex, tipo 1 of 2, mayoria biaha ta transmiti su mes door di e contacto intimo entre e partinan infecta y esnan no infecta di e superficie di e cuero. Esaki no ta nifika necesariamente un relacion sexual.

Una bes paden, e herpes ta reproduci su mes y ta apropia su mes di e aparato proteinico di e celula: "un golpi di estado biologico."

Si e ataque ta worde controla door di e sistema inmunologico, e virus ta bai. Si no ta asina, anto e herpes oral of herpes simplex tipo



1, ta transita door di e fibranan nervioso, un grupo di celulanen situa cerca di e cerebro.

Panaderia del pueblo

Pa tur clase di pan, bolo di calidad acudi semper na

Guyabastraat 4 Dakota - Tel. 21915

Cerca e herpes genital, generalmente causá door di e tipo 2, e virus ta bai door di e ganglionan (zenuwknopen) den e parti mas abow di e columna vertebral, unda e celulanen nervioso ta.

Den e celulanen nervioso, e herpes simplex ta fuera di e alcance di e sistema inmunologico di e curpa y e ta drenta den un estado latente.

E estado por dura henter un bida of por kibra ora e virus rebiba y reinfecta e lugar original di aparicion.

Den algun ocasionnan, e herpes deposita den e ganglionan trigemino ta biaha pa e cerebro y ta causa un forma generalmente fatal di encefalitis (hersentsteking).

Mey miyon di casonan anual ta testifica cu e por sigi e nervio trige-

mino te na e wowo, probocando un infeccion cu ta danja e bista seriamente si e no worde trata.

E tipo 2, localisa den e ganglionan sacro, por biaha tin bes door di e weso di lomba, produciendo un sorto di meningitis leve. (hersenvliesontsteking)


E herpes genital a asocia su mes na e cancer di nek, aunke e tipo di dolencia aki a uni su mes tambe na factornan manera e perdida tempran di virginidad y promiscuidad sexual.

E INVASOR INVENCIBLE

Segun informacionnan te awor, e heridan na boca por worde transferi na e genitalnan door di e dedenan of e boca, convirtiendo su mes den un malesa venereo. Efectivamente e sexo oral por ta un forsa potente den e contagio di e dos clasen di herpes. Un encuesta a revela cu un tercera parti di e muhernan bao di 24 anja cu ta sufri di herpes den nan genitalnan ta sufri realmente di e tipo 1.

Una bes cu e virus penetra den e cuero, e ta multiplica su mes rapido. E promer sintomanan por ta un sensacion di grawatamento. E blaarnan ta sali entre e di dos y di 15 dia despues di e infeccion.

Cerca e herpes genital, e promer etapa ta dura mas of menos tres siman, cu cinco dia di ataquenan subsecuente, acompaña pa dolor-



nan di cabes y ceintura.

Hopi biaha e herpes ta ataca personan bon presenta, saludabel, educa y limpi di e tipo cancasico, perteneciendo na e clasen media y halto.

Un encuesta a revela cu 95% di e patientnan ta blanco. Sinembargo, e negronan y blanco pover ta aparece poco den e resultadonan di e investigacionnan y por lo demas, si nan tin e enfermedad, nan no ta worry mucho cuné.

Algun investigadornan a afirma cu e habitonan di limpieza di e clase media ta causa vulnerabilidad pa cu e virus. E muchanan cria den un medio ascetico dificilmente ta crea anticurpanan cu ta protega e contagio.

Na Francia por ehempel a worde comproba cu solamente 30% di e personanan perteneciente na famiyanan di ingresonan halto ta desaroyo inmunidad genital na edad di 20 anja, mientras cu muchanan di ingresonan menor ta crea anticurpa-

nan cu 5 anja.

Sinembargo, e misterio di e enfermedad ta sigi ta casi total.

E hendenan cu ta sufri di dje no ta comprende ainda e pakiko y ta sigi puntra e razon door di cual, apesar di a desaparece pa lunanan, e dolencia ta bolbe.

RECHAZO SOCIAL NA ESUN CONTAGIA

Aunke herpes no ta e enfermedad peor den mundo, ni siquiera e venereo mas severo, poco cosnan a altera tanto e comportamiento tan rapido.

Quizas e motibo ta den su reincidencia permanente y falta di cura.

E pomer reaccion di e contagio ta e venganza y algun ta logra hasi esey un hecho. Un muher ta conta cu ela transmiti e enfermedad na 75 homber den 3 anja.

Ta surgi tambe e rechazo pa parti di e famiya y di e amigonan. Na un oficina di abogado, e companjeronan di un empleada cu ta sufri di herpes a nenga di usa e mesun telefoon cu e empleada y hasta nan a yega na pidi su destitucion.

Ora e deseo di venganza a worde supera, ta surgi e sentimiento di soledad, cu ta conduci na aislamiento, depresionnan y hasta impotencia.

Quizas pesey e "Centro di Recursionan contra Herpes" cu ta funciona na California cu 30 mil

Department Store
Unda bo por haci bo compras pa henter familia
HENDRIKSTRAAT 8
ORANJESTAD, ARUBA

ARVEFA
Arubaanse Verffabriek N.V.
Aruba Paint Factory, Inc.
 L.G. Smith Boulevard 144
 P.O. Box 295, Tel. 22519
 Neth. Antilles
 Cable: ARVEFA - Aruba.

afiliado ta tratando pa anima patientnan door di dialogonan constructivo.

Sintiendo cu nan no ta nan só, e enfermonan di herpes ta sinja biba normalmente. Aunke no ta existi ningun forma di proteccion absoluto contra e contagio, ni ningun caminda ta sigur pa descubri esey, mediconan ta sugeri e hombernan pa usa condon. E spermicidanan por alivia un poco, pero e confian-sa den e pareha ta imprescindible.

E patientnan mester haci tur lo posibel pa controla e stress cu generalmente ta acciona e recurrencia di e enfermedad. P'esey hopi di nan ta sigi cursonan di yoga, hipnosis, terapia etc.

Como cu e friccion por proboca e reincidencia di e enfermedad, e blue jeansnan preta a keda for di e ropero di e enfermonan di herpes.

E hombernan a cambia e jockey-nan moderno pa e tradicional cal-zoncillonan y e muhernan a stop di usa panty-hosenan.

Den corto palabra, e virus, aun-ke e no por worde extermina, sí por worde controla door di un actitud positivo.

E herpes ta depende asina hopi di e estado di animo y e emocion cu, una bes esakinan worde domina, e patient ta haya trobe confiansa den su mes cual ta permitiele con-trola e enfermedad.

E patientnan mester sinja biba cu e enfermedad, pero esaki no lo caba cu nan.

**DEN
AMISTAD
BO AVISO
TIN DOBBEL
BALOR!!!**

Enjoy
Coca-Cola
Trade-mark ®

TROPICAL BOTTLING CO.
L.G. Smith Blvd. 122



"Hotel Americano & Casino" pa luna di November tin un sorpresa grandi. Pa na bó un tiki só di loque ta biní, tira un bista ariba e potret aki y nos ta topa.



M.A.N. CU DIRECCION COMUNISTA ?

Gobernantenan perteneciendo na e partido politico M.A.N., durante e ultimo lunanan a laga hasi diferente estudionan encuanto diferente partidonan social di e isla di Corsow.

Varios di esakinan ta indica cu mester bin un socialisacion masha grandi cu por hiba Corsow den direccion di Comunismo.

Di otro banda e mes un partido aki ta trata di kita e schoolnan cu ta pertenece na e religion catolico. Esakinan precisamente ta indicacionnan cu e Gobernantenan ey ta tumando rumbo robez. Tabata tin protestanan di algun instancianan, pero esakinan no tabata suficiente pa muestra e Gobernantenan di M.A.N. cu nan mester por stop awor, prome cu ta laat.

Como cu te ainda nos ta pertenece na Antiyas Hulandes y cu Aruba mester traha cu politiconan di Corsow, nos ta spera cu instancianan concerni lo tuma bon nota di esaki.

Aruba ta un isla cu no tin lugar pa comunismo, pasobra tin tur clase di libertad, esta di expresa, scirbi, critica, estudio etc.

Tin un Gobierno Democratico te ainda.

Economicamente gracias a Dios te ainda tur cos ta bayendo bon y si tur hende coopera y yuda na desarojo di Aruba, e por keda mantene y garantiza.

Nos ta sumamente contento cu nos tin un grado di educacion bastante eleva cu ta yuda nos hendenan pensa mihor y tuma desicionnan cu ta na bienestar general di henter e comunidad.

Precisamente esakinan tabata factornan, pakiko, hopi paisnan y islanan den nos region ta o ta na caminda pa bira comunismo.

Nos ta spera cu e sistema di educacion liber lo continua y cu nos por haya mas y mas profesionalnan bon prepara aki na Aruba.

Ta bon pa menciona cu educadornan ta hunga un papel importante den bida y futuro di e hubentud, es decir di Aruba tambe. Esaki muy especial serca hobennan, kendenan no tin mayornan o no tin mayornan cu suficiente capacidad di por guia nan ariba e bon caminda.

Esakinan nos a desea di acentua den e articulo aki pa demostra nos

pueblo di Aruba cu no ta existi ningun lugar habri pa influencianan robez, izquierdista o comunismo.

Nos ta spera cu sea cual sea e partido o personanan cu lo bai coopera cu un Gobierno Central den cual tin participacion di e partido M.A.N., lo no permiti cu ningun influencianan negativo penetra na Aruba.

*Tur luna core
cumpra bo*

**REVISTA
AMISTAD**

*Esun mas
educativo*

NO CONFIA POLITICONAN DI CORSOW

Sea cual sea e partido di Aruba cu lo tuma parti na e Gobierno Central nobo o si ta un kabinet Nacional lo e bira, e partidonan di Aruba mester tene bon cuenta cu e politiconan di Corsow.

Semper nan a priminti cielo y tera y despues no a cumpli cu net nada. Ejempel di esaki ta e propio Prome Ministro actual, kende den pasado prome di a bira Prome Minsitro tabata respeta e ideal di Aruba y tabata dispuesto di reconoce e autodeterminacion di cada isla. Despues cu ela bira Prome Ministro ela cambia por completo y ta kere mas den un Antiyas uni.

E partidonan di Corsow semper ta bin cu nan trampanan pa lok esnan di Aruba den un Gobierno

Central. Pakiko? Pasobra ta dificil, especialmente den bista di Mundo y especialmente Hulanda, cu nan ta laga Aruba su participacion afo.

Manera nos a bisa caba nan ta zorg pa Aruba participa, primintiendo tur cos, pa despues laga Aruba cai manera un patia berde.

Nan ta prefera pa haya Aruba aden, pa nan demostra cu semper nan ta cla pa coopera cu Aruba, anto despues nan mes ta busca un hecho pa forsa Aruba kibra. E ora ey nan no ta carga ningun culpa, pasobra no ta nan a saka Aruba afo, pero ta Aruba mes a bula afo y cu Aruba su lugar ta keda habri. Esaki ta hasi cu nunca nan ta haya culpa, pero politiconan di Aruba si.

Atrobe nos por tende cu politi-

conan di Corsow awor mas cu nunca ta cla pa coopera pa Aruba haya su Status Apare o e Estado liber Asocia, pero esakinan ta promesanan di semper cu ta cai na caminda.

Revista Amistad un biaha mas ta adverti tur partidonan politico di Aruba pa tene bon cuenta cu e promesanan di semper y no core forma parti di cualquier Gobierno Central.

E partidonan politico di Aruba, mester corda cu otro aña tin eleccion atrobe y pueblo ya ta fada di promesanan, pero kier mira hecho y realidadnan.

E lucha di Aruba tin hopi trabownan paralisa, pasobra no tin armonia ni cooperacion entre parti-

PABIEN MARLBORO BASEBALL TEAM



CU BOSO TITULO DI CAMPEON 1982 GANA MEREIDAMENTE

SUPERIOR TOBACCO CO.



MUEBLERIA TU HOGAR

PA PREPARACION DI FIN DI ANJA
NA DOKOTA - TEL. 21371 - 23690

- NOS TIN:
- * Tapijt wall to wall,
 - * Cortina y vittrache,
 - * Tela y cuero pa fura stoel
 - * Cashi los di 2 y 3 porta
 - * Set di Camber, y
 - * Set di Sala, etc...

SEMPER LO TIN "BARATILLO" na "BO" palacio di muebles: y awor nos ta ofrece Garage, kantoor, EDIFICIO di PREFAB. Pasa libremente pa un combersacion.



donan y Gobiernoan.

Aki na Aruba mes falta mas union y ta parce cu nan ta enemigonan mortal y no tin e lucha y e ideal di pueblo na pecho.

Nos ta di opinion cu sea ken sea, o cual partido cu logra di realisa e deseo di pueblo cu mester bin mihor cooperacion, pa enberdad Aruba ser liber. Despues cu esaki sosode e partidonan por demostra cu nan ta cla pa goberna y cu nan ta capaz tambe pa hasi esaki.

Partidonan desde awor mester cuminsa cu nan plannan di campaña y informacionnan cu pueblo ta desea di sa pa por huzga pa cual partido nan lo bai vota y deposita nan confiansa pa goberna Aruba pa e proximo 4 añanan.

Nos ta di opinion cu e biaha aki si pueblo di Aruba lo bai vota mas consiente posibel y lo confia e destino di Aruba den partido cu lo bin cu e mihor porgramma di Gobernacion.

Nos ta existi cu e biaha aki si o pa e eleccion aki si e partidonan lo presenta nan programma di Gobernacion pa e proximo añanan.

Esaki mester sosode mas rapido posibel pa asina pueblo por haya suficiente oportunidad pa por studia nan y asina nan por bai vota mas conciente y no pa emocion o fabornan politico.


En berdad a yega tempo pa pueblo tuma e mihor desicionnan.



The Young Voices bou direccion di Sra. Maybeline Arends a hasi un tremendo presentacion durante e celebracion di e di 10 año di existencia di e oficina di turismo na Caracas.

**HACER DEPORTE
ES
HACER PATRIA**

CRIMINALIDAD TA SIGUI AUMENTA



Criminalidad aki na Aruba ta sigui aumenta sea den alcohol, droga, sex, abortus etc. etc.

Nos a yega di pidi y nos ta sigui pidi pa Gobiernoan bini cu comisionnan pa studia e motibo pakiko tin asina criminalidad ta tumando lugar ariba Aruba.

Pakiko mester warda un biaha mas pa baca hoga pa dempelo e poos. Nos ta kere cu awor mester bin cu e comisionnan cu por hasi nan recomendacionnan na Gobiernoan pa evita cu Aruba lo bai den un perdicion.

Mayornan ta bisa cu ta yiunan ta malo, mientras cu yiunan ta bisa cu ta mayornan tin culpa.

Nos tambe ta kere cu mayornan ta fout, pasobra nan ta laga nan yiu nan lanta den tur clase di libertad, sin prepara nan mes bon pa enfrenta e bida aki.

Mayornan mester por papia cu nan yiunan splica nan e berdadnan, papia francamente cu nan, muestra nan mas confiansa, pa nan tambe muestra bo confiansa.

Tur cos bo no por evita nan di hasi, pasobra boso tambe a pasa den aventuranan, pero si boso por conseha pa evita cu peor lo por sosode.

Mayornan ta contribui, pasobra nan ta sconde pa nan yiunan, sea pa berguensa o miedo.

Mihor cu bo aserca autoridadnan na tempo cu problemanan di bo yiunan prome cu ta laat, esaki ta un forma cu bo ta yudanan tambe pa resolve nan problemanan.

Di otro banda bo por aserca instancianan cu por conseha bo o yuda bo yiunan.

Nunca warda mucho cu un problema sea pa berguensa o miedo, cual por tin resultado fatal pa bo mes, bo yiunan y famia, pero aserca esnan cu ta directamente involvi pa yuda bo.

Mayornan nunca mester kere nan yiunan contra palabranan di esnan cu kier bo bon y ta bin avisa bo cu bo yiu ta haciendo algo malo.

Un biaha mas nos ta ripiti cu mayornan tin culpa, pasobra nan no ta papia suficientemente cu nan yiunan y no ta busca consehonan cu por yuda nan resolve e problemanan.

Na ocasion di apertura di e almacen nobo di

ACME STORE

Nos ta manda un palabra cordial di felicitacion

Nos ta desea e pareha Jose Trappenberg tur clase di exito.

Danki pa e confiansa deposita den nos.

Tabata un placer pa nos a actua como e contratista principal den construccion di e almacen aki.



ARENDS CONSTRUCTION

Indianenweg 4

Tel.: 26216

HOMOSEXUALISMO NO TA UN ENFERMEDAD



Un di cada dies sernan humano den henter mundo di un of otro manera ta afecta pa homosexualidad.

Na Estados Unidos tin por lo menos 2 miyon 6 mil hombernan homosexual, un miyon muhernan lesbiana, segun e investigadornan di e famoso instituto Kinsey. Na Inglaterra un miyon y mey di hom-

bernan y un miyon muhernan ta homosexual.

Den hopi paisnan e cifranan y porcentahenan ta mescos.

NO TA ALGO CU POR WORDE INGNORA

Homosexualidad ta un hecho cu no por worde ignora. E ta un realidad

cu hasta autoridadnan di nacionnan grandi mester a reconoce y respeta.

Na Gran Bretaña tin un ley cu ta permiti relacionnan entre sernan di e mesun sexo; na Estados Unidos e Corte Federal di Apelacion cu sede na Washington a declara cu un agencia di gobierno no por kita un empleado fe trabow sin demostra prome cu su homosexualidad ta interferi definitivamente den e eficiencia di su trabow.

KIKO TA HOMSEXUALISMO

E definicion ta hopi simpel. E ta e condicion di sinti bo sexualmente atrae door di miembronan di e mesun sexo. E homosexualidad a presenta su mes den historia como parti integrante di culturanan grandi ora di yega na e etapa di decadencia.

Despues di hopi estudionan adelanta door di hopi sicólogo, a yega na e conclusion cu homosexualismo no ta un enfermedad.

Freud a señala: "e no por worde considera como un enfermedad. Nos ta considere como un variacion di e funcion sexual produci door di un cierto detencion di e desaroyo sexual. Esaki ta nifika un cualkier homber of muher, den algun etapa di su bida, lo por haya tendencianan homosexual."

E teoria aki a haya masha hopi critica.

Un estudio haci pa dr. Evelyn Hooker, Psicóloga Social, ta indica cu den cierto modo e homosexualidad no ta un sintoma patológico. Ela compara 30 homosexual cu 30 homber normal (heterosexual) di e mesun edad, educacion y inteligencia. Ambos grupo a haci un test di proyeccion di personalidad. E resultadonan a worde entrega na dos Psicólogo clinico, kendenan

no por a distingui door di e resulta-
donan di e test, e homosexualnan
for di e heterosexualnan.

INFANCIA: EDAD PELIGROSO

Mayoría di e expertonan ta di
opinion cu e inclinacionnan sexual
di un individuo ta keda firmemen-
te determina desde su infancia.

E homosexualnan, tanto esnan
femenino como masculino, no ta
constitui un "tercer sexo", pues
biologicamente nan ta completa-
mente muher of homber. E com-
portamento sexual di e homo-
sexualnan no ta worde dicta door di
nan anatomia, ya cu ningun hende
no ta converti su mes den homber
of muher na un forma automatico.
E diverso componentenan sicólo-
gonan di masculinidad y feminidad
ta worde sinja of adquiri. Y mira di
e aspecto aki e hogar ta hunga un
papel fundamental, ya cu ta eynan
e rolnan sexual ta worde marca cu
ta fiha e caracternan di homosexua-
lidad of heterosexualidad den e
mucha.

NO TIN VACUNA

E pensamiento cu hopi mayornan
tin, cu e problema di homosexua-
lidad ta afecta solamente otronan y

LEE TAI

SUPERMARKET Y CARNICERIA

Noord 82 Tel. 27411



**Bo lugar pa tur bo comestibles,
bebida - fruta - y berduranan
y nos prijs ta na alcanse
di tur bolsiyo**

cu den nan famiya hamas algo asina
lo por pasa, ta un error cu por trece
consecuencianan grave. Ainda no a
worde descubri e vacuna contra e
homosexualismo y por lo tanto
ningun hende ta inmuniza.

Esnan cu ta pensa cu "no tin
ningun peligro cu mi yui ta sali
abnormal, ya cu no tin ningun hen-
de abnormal den famiya p'e sali

pé", ta laga quizás algun detayenan
un banda cualnan un mayor cuida-
doso lo capta mesora: tendencia di
e mucha homber pa participa sola-
mente den weganan femenino, un
acercamiento casi enfermizo na e
mama y gestonan y actitudnan
poco varonil.

Na e momento ey e tata ta hun-
ga un papel decisivo. Si e zorg pa
guia e mucha, pa lanta den dje e
interes pa deportenan y weganan pa
hende homber, pa sinjele cual ta e
papel di e hende homber den bida y
pone sinti cu su mihor amigo y
consehero ta e, su tata, sigur e
mucha lo no busca un caminda
desvia.



La Maxima
en Aruba

Danki

na Spiritu Santo y

virgen Purisima

pa fabornan

ricibi



E ETAPA DI BIDA MAS TEMI PA E SER HUMANO:

“E TERCER EDAD”

Hopi biaha e anciano ta nifica un “molester” pa su famiya y tin hopi anciano ta pasa e ultimo dianan di nan bida sin afecto y bienestar economico.

E ta un etapa di bida cu nos tur tin cu yega y ta pesey e merece mas atencion.

Hopi ancianonan ta carece di afecto y di medionan cu ta permiti nan asistencia medico adecuado, alimentacion balansa y cuidonan higienico.

No por papia di biehez sin menciona e enfermedadnan mas comun cu ta afecta esnan cu a pasa 60 anja, aunke hopi di esnan di e edad ey of mas, ta considera nan mes manera di 40: reumatismo, artritis, bista malo, catarata, enfermedadnan di e vianan urinario, problema di oído, dificultad pa cana lihe, aumento di sonjo, mal digestion. Tur esaki acompaña pa, loke nan ta yama na hulandes “Kindsheid” y na spanjo “Chochera”, esta cu e anciano ta bira mescos cu un mucha atrobe.

E elementonan cu ta haci un persona ripara cu e ta birando bieuw ta p.e. topa cu un amigo bieuw cerca kende nos ta ripara cu ela bira bieuw; mira un adulto cu nos tabata conoce fe mucha; e curpa ta bira stijf; bira cansa lihé, cambionan den e fisionomia, e menopausia o e andropausia cualnan ta e toque di alarma anunciando e biehez.

Dentro di e mecanismonan sico-

logico mas frecuente nos ta haya e “Kindsheid” of “Chochera”, cual no ta nada otro cu e rigidez mental cu ta un recurso sicologico pa evita e angustia causa pa e mundo cu ta cambia rapido.

E rigidez aki ta manera un tabla di salvacion na cual e homber of muher anciano ta pega, ya cu e no por cu e mundo cambiá y e ta sinti su mes aisla, hasta di su famiya y e rigidez ta pa manifesta un aprecio pa e temponan pasa y un desprecio pa e presente.

DIFERENCIA ENTRE HOMBER Y MUHER

Tin diferencia den biramento di bieuw entre un homber y un muher. Pa e muher generalmente ta mas soportabel cu pa e homber, pasobra e muher nunca a bandona su funcion di ama di cas.


Ora e bira bieuw e muher ta haya un lugar den e hogar y un intensificacion di su funcionnan como mama, esposa y abuela.

Pa e homber e situacion ta diferente, ya cu su trabow tabata pafó

COMPRA LTD.

Pa tur bo frozen items manera:
PORKCHOP, GALINJA, SPARE-RIB, LOIN-RIB,
BREADED SHRIMPS, CABARON FRESCO,
tur clase di
STEAK, FRENCH FRIES ETC.

Tel.: 23025 - 23026 - 21284



FABRICANTE DE CIGARRA PRESTIGIOSO "MARLBORO" TA FELICITA E EQUIPO DI BASEBALL A CLASE "MARLBORO" CU E TITULO DI CAMPEON 1982



di e hogar. Ora e baha cu pensioen e ta haye fastioso, pasobra e no sa kiko pa hasi cu su tempo liber, ya cu ta existi masha poco of ningun programa pa pensionadonan.

MESTER PREPARA

Mester prepara pa e etapa ey, mescos bo ta prepara bo mes pa bai un fiesta.

E hende mester ta consciente cu e ta un proceso inevitable; pero pa hacie mas soportabel mester aceptele y biba e ancianidad cu berdadero alegria, tratando pa ser util. Pero esaki por logra solamente creando den e famiya un conciencia berdadero di e papel tan importante cu esnan cu tabata e pilar di e hogar ta cumpli y no ta pasobra nan a bira bieuw mester worde rechasa of poni un banda, pasobra nan ta un "molester".

Tratanan cu carinjo, pasobra bo tambe tin cu bira bieuw.



E hoben pianista, Albert Croes, tambe tabata un di e artistanan invita durante celebracion di e di 10 aniversario di e oficina di turismo na Caracas. Albert Croes por ser considera como ún di e mihor pianistanan di Antiyas Hulandes.

UN TOTAL DI 56 VIVIENDA LO SER CONSTRUI NA ESSO HEIGHTS

Oranjestad—(AVD)—Dia 25 di october a tuma lugar den oficina di F.C.C.A., firmamento di contract door di Diputado di viviendas, señor Pedro Kelly pa construccion di 56 vivienda na Esso Heights.

E casnan lo ser construi door di Albo-Aruba N.V., den cuadro di renovacion di Village y Esso Heights y lo sirbi pa reemplaza e baraknan actual na Esso Heights.

E trabaonan di preparacion a ser ejecuta door di e "Projectburo" Renovacion Village/Esso Heights,



Momento cu representante di Albo Aruba N.V. ta firmando e contract cu F.C.C.A. pa construccion di e 56 casnan na Lago Heights.

mientras cu e control ariba e ejecucion ta den man di F.C.C.A., cual organisacion tambe lo administra e viviendanan.

E suma total den e contracto ta di fl. 1.769.855,-.

Dia 8 di November lo cuminsa cu construccion di e casnan y ta ser spera cu pa 11 di November 1983 e

ultimo casnan lo ser entrega.

Pa F.C.C.A. a firma señores Jan Bieze, director; Pedro Kelly, presidente. Pa Albo-Aruba N.V. a firma señor H.J.M. Beijen. Tambe tabata presente señor F. Wernet, counterpart director F.C.C.A. y R.R. de Kort miembro di e fundacion y Sr. Atan Lee di A.V.D.



Durante e celebracion di e di 10 año di existencia di oficina di turismo na Caracas e invitadonan a ser ricibi door di Diputado Leo y Sra., Sr. Mirto Granadillo director di e oficina y Sra., Sr. Betty Arends y Sra. y Sr. Nerry Russo, conocida periodista y esposo.

CELEBRACION 10 ANIVERSARIO OFICINA DI TURISMO DI ARUBA NA CARACAS – VENEZUELA

Dia 5 di October a ser celebra e hecho cu 10 aña pasá Aruba a inaugura su propio Oficina di Turismo na Caracas. E celebracion a tuma lugar na Hotel Tamanaco na Caracas cu un recepcion formidable.

Aki na Aruba tambe e hecho festivo a ser recorda. Oficina di Turismo a organisa un recepcion, durante cual gobernador interino Señor Remie Zaandam a dirigi palabra y tambe e consul general di Republica Venezuela, señor Heracleio Narvaez. Tanto e gobernador interino como e consul general a brinda ariba e exitoso desaroyo turistico cu ta tumando lugar entre Venezuela pa Aruba a aumenta, por deduci cu e Oficina di Turismo di Aruba na Caracas ta eherciendo un bon trabao.

Na e recepcion tabata presente, Diputado Felix Flanegen, hefe interino di Servicio Informativo,



Nilda Koolman, e vice-consul Venezolano, Alberto Molina y John

Merryweather di oficina di Turismo.

GARAGE CORDIA ARUBA N.V.

L.G. SMITH BOULEVARD 114 ORANJESTAD, ARUBA TEL: 24455 - 24457



**AGENTE DI E AUTONAN TOYOTA
TA FELICITA E EQUIPO DI**



**TOYOTA BASEBALL TEAM CU E TITULO
DI SUB-CAMPEON DI BASEBALL A CLASE 1982**

Amistad

UN BISTA FOTOGRAFICO RIBA MUNDO

fotonan: algemeen nederlands persbureau

INTERNACIONAL



BOSTON: E tres ganadornan di e premio Nobel pa medicina pa anja 1982 brindando cu champanja; di robex pa drechi: Bengt Samuelsson, Sune K. Bergstrom y John Vane. E dos sueconan y e britano a ricibi e condecoracion pa nan descubrimientonan riba tereno di e reaccion di e curpa humano riba enfermedadnan y tensionnan.




GDANSK: Dos auto di awa di polis a worde usa na Gdansk pa plama e multitud fe otro durante desordennan na e ciudad aki.



PARIS: E disenjador japonés Hiroko Koshino a presenta recientemente su colleccion pa otro anja. Aki nos ta mira un di su creacionnan mini, cual ta haci nos corda e moda di beach pa anja 1915.



MONACO: Principe Albert di Monaco y su ruman muher, princesa Stephanie, saliendo for di e cathedral di Monaco, unda nan a asisti na un servicio en conmemoracion di e difunto princesa Grecia.



GENEVE, SUIZA: Un arquitecto Suizo a inventa un aparato electronico, cual segun expertonan por nifica un revolucion riba tereno di control di natalidad. E Organizacion di Salubridad Mundial, kende ta para masha positivo pa cu e invento aki, kier usa e aparato aki — ora termina e testnan — den paisnan den desaroyo. E aparato, yama "Bioself" ta consisti di un thermometer, conecta cu un microcomputer. Tur loke e muher tin cu haci ta tuma su temperatura tur dia, cual ta worde elabora den e computer. Riba e dianan infertil e computer ta marca bérde, luz cora ta indica un grado abao di fertilidad, mientras cu luz cora cu ta cende-paga ta senjala e dianan mas fertil. A costa e inventor Edmond Desjacques seis anja y casi 3 miyon florin pa perfecciona e aparato.




LONDEN: Paracaidistanan ingles, kendenan a bringa den e guerra na Islanan Malvina, a marcha na Londen durante un parada pa conmemora e victoria britano. Na banda nos ta weita soldanan den rolstoel, kendenan a keda invalido door di e guerra.



PORTSMOUTH: Principe Charles riba e puente di control di e grua Tog Mor despues di e exitoso salvo di e bapor di 437 anja biew, Mary Rose. E bapor di guerra di Hendrik 8^{VO} a worde saca recientemente

TRANS SUMATRA-JAVA PIJPLEIDING PROJECT



GRONINGEN: Diseño di un plan pa desaroyo di un sistema pa transportacion di gas na Indonesia, un proyecto di "Gasunie" hunto cu "Amrobank". E proyecto lo bai costa 20 miyarde florin.



CARTANAN RICIBI

O'stad, 14-8-'82

Respetable Sr.,

Di antemano masha danki pe espacio den Revista Amistad pa mi por haña un consejo. Mi mes no a scirbi e carta ki, pasobra mi no por scirbi, papiamentoe mucho bon, pero un amiga a hacie pa mi. Mi ta un señora stranhero casa cu un Arubiano, kende mi a conoce varios añanan pasa durante un di su biahenan na mi tierra. Nos a sali masha hopi hunto i tur cos tabata mostra cu tabata tin, berdadero amor entre nos dos. Hopi biaha ela bin serca mi na mi pais i trece hopi bon regal-donan pa mi i mi famia. Un solo bes mi a llega di bin Aruba prome cu nos a casa i mi a pasa de maravilla. E biaha ey mi a bin cu mi ruman mujer. Nos a bai cu e mihor impresion di nos bida i mi tabata pura pa e bolbe bek. E tabata biaha tur luna bin serca mi i nos tabata pasa maravillosamente bon. Tabata parce cu mi tabata den cielo tin ora, principalmente cu nos ta di un famia cu mester traha duro pa nos por sobrevivi. E no tabata kier pa mi a traha mas, pasobra e tabata jaloers. Mi mester a tuma un desicion masha grandi pa dicidi di a laga mi famia bin biba akinan lew for di mi pais, especialmente cu nos ta hopi uni. Dia cu nos a casa mi mayornan a lora masha hopi, pasobra nan sa cu nos mester a laga otro, mientras cu ami a sinti mi mes tristo, pero tog feliz, pasobra e ta e homber cu mi ta stima. Nos tabata inmensamente feliz i ela hiba mi biba den un apartamento te ora nos cas cu tabata den construccion bin cla. Su famia tabata trata mi hopi bon mes i pa bisa berdad hopi biaha nan ta pone mi lubida mi famia. Despues di algun tempo casa, mi a cuminsa haña cartanan anonima den cual nan tabata scirbi mi cu mi esposo tin un joi afo i cu

e ta cu e mujer ainda. Esaki si tabata un berdadero tristeza pa mi, pasobra e no a bisa mi nada, tempo cu mi a puntre tur e cosnan ey, mescos su mayornan tambe a sconde pa mi. Via di un prima di dje mi a haña sa tur cos, e no a hacie pa caweta pero simplemente mi a haci cu mi tabata sa tur cos. Ela conta mi tur cos na placa chikito i mi a pidie hiba mi wak e mucha. Nos a bai na e cas, prome ela zundra, pero despues mi a splique, ela conta mi tur cos i mi a wak e mucha. Mi no por a contene mi mes, mi a lora masha hopi i mi tabata cla pa regresa mi tierra bek, pasobra mi a considera cu ela engaña mi. Mi a empaketa mi maleta tur cos, pero mi a warda te ora cu ela bin for di trabow. Nos a papia masha hopi i ela bisa mi cu e tabata tin miedo cu mi lo no a acepte cu un fout asina. Mi sa cu e ta stima mi i mi tambe ta stime masha hopi mes. Awor mas cu nunca e ta muestra i mas atencion in amor, mientras cu mi ta mustre seco i indiferencia. Mi ta sinti cu tog no ta bon, pasobra

mi tin miedo cu ela fada. Kiko mi hasi? Un biaha mas danki.

S.D.

Mi amiga,

Tur dia nos ta hasi erronan y nos ta spera cu otronan ta pordona nos. Claro cu bo esposo no a hasi bon, pasobra nunca ta bon pa tin secreto entre un pareja, pasobra esaki semper ta crea desconfiansa. Papia cune, mustre un biaha mas ariba su error, pordone, pero pordone di berdad mes y ripiti menos posibel loke a yega di pasa. Den bida matrimonial na unda tin dos hende straño uni, mester tin hopi sacrificianan.

Bonaire, 25-8-82

Apreciable meneer,

Masha danki pe consejo i mi ta spera cu meneer lo publike masha pronto mes. Mi

Atencion pueblo di BONAIRE

Bo ta desea di publica algo di BONAIRE of bo ta desea pa bo AVISO sali publica den e REVISTA más grandi di Antiyas anto tuma contacto cu nos representante:

Fam. George
Antriol # 153-A
Tel.: 4222

Y lo bo ripara cu den AMISTAD bo noticia of AVISO tin impacto grandi.

ta un hoben di 17 aña di edad i mi ta bai school ainda. Un aña pasa mi a sali na estado di un mucha homber mas bieuw cumi. Mi a spanta masha hopi tempo cu e cos a pasa mi, pasobra nunca mi a spera cu esaki por a sosode, pasobra e homber tabata gaña mi cu nunca esei por sosode. Ora mi a bise cu no a wak mi menstruatie ela spanta i a hiba mi un caminda, na unda na un manera horroroso nan a saca e joechi. Mi a sufri hopi, pasobra mi mester a sconde tur pa mi famianan no haña sa. Gracias a Dios cu tur cos a sali bon. Na principio e susto cu tur cos lo sali bon mes no a hasi mi pensa loke mi a hasi, pero awor tur ora mi ta corda loke a sosode i mi ta haña cu mi ta un criminal. Awor pa cuanto mi tabata stima e homber, mi no kier wak mas den mi bida, pasobra mi mes ta realiza cu pa haña su joei no ta nada, contal e e tin un tata. Nunca e homber bestia ey a bisa mi cu e kier casa cu mi, anto awor si e ta cla pa hacie. Meneer mi tin tres pregunta: Meneer ta kere cu mi por juda loke a pasa i cu Dios por perdona mi?

Meneer ta kere cu mi por haña joei den futuro?

Meneer ta kere cu e mucha homber no tin culpa cu mi mester por perdone? Contestami mas pronto posibel.

Atentamente,
M.F.

Mi amiga,

Mi ta compronde cu door di bo inocencia bo a comete e error grave ey. Mi ta sigur cu ta door di confiansa bo a hasi sex libremente, keriendo cu enberdad e lo tabata safe. Ela hiba bo haci abortus, cual tampoco segun bo carta bo no a haya suficiente tempo pa pensa bon. Bo mester check bon si enberdad e mucha homber no a hacie cu mal intencion, pero door di susto pa bo no haya bo cu problema. Por ta masha bon cu e ta stima y e ta dispuestu pa casa cu bo. Abortus semper tin su peligernan ta pesey bo mester hasi un bon check-up prome cu bo casa. Ta bon pa hobennan tuma bon nota cu abortus por ta malo pa un persona y esaki por traha ariba dje mentalmente como ariba su salud.

Aruba, 3-9-82

Apreciable Sr.,

Mi ta un homber casa for di 14 aña pasa. Actualmente mi ta ocupando un excelen-

te trabow i mi señora tambe. Nos tin 2 joei basta grandi i tur dos ta studia hopi bon. Ultimamente mi a topa cu un mucha mujer cu kende mi a cuminsa sali den scondi, pero mi a haña un gran aprecio pe. Manera awor mundo a cuminsa pa mi i desde e tempo ey a cuminsa un problema basta serio den cas, mi señora i joei nan tur ora ta bisa mi cu mi a cambia. E unico miedo cu mi tin ta cu e mucha mujer ta mas hoben cu mi. Mi ta spera un contesta mas pronto posibel.

Atentamente,
S.G.

Mi amigo,

Tur hende homber ta yega un tempo cu nan ta pensa ariba aventura, pero hopi di nan ta realiza nan despues cu ta un locura nan ta cometiendo. Ta bon pa abo tambe, medita bon prome di tuma cualquier desicion, pensando cu bo yiunan ta grandi caba y cu bo tin un señora. Si enberdad bo ta sinti cu bo bida ta insoportable, anto mihor divorcia pa bo no laga bo famia sufri mas ainda. Un biaha mas pensa hopi bon loke lo bo hasi.

Aruba, 24-9-82

Muy distinguido Señor,

Di antemano masha danki pe espacio den bo revista hopi lesa i stima aki na Aruba. Mi ta un homber casa cu un mujer bastante exigente. Actualmente nos ta bibando den un apartamento, pasobra no tin cas ariba Aruba. Tur ora e ta tira na mi cara cu semper ela biba den cas dushi i ta ami tabata biba den cas di pueblo, pesei mi no ta worry pa haña cas. Mi a busca rond Aruba, pero sin resultado, pasobra ta cas mes no tin. Mi a bai na F.C.C.A., busca informacion pa traha mi cas, pasobra mi tin mapa i terreno caba, pero el zundra masha hopi, pasobra e di cu cas di F.C.C.A. ta di cacho i pushi. E problema

aki tin mi fada caba i mi no sa kiko mi hasi. Cual ta e consejo cu meneer tin pa mi? Un biaha mas saludo i danki.

P.V.

Mi amigo,

Laga e participa activamente hunto cu bo ora bo ta busca casnan pa huur pe sa cuanto esfuerzo bo tin cu hasi. E sistema di traha cas cu F.C.C.A. ta un sistema fantastico i facil pa construi. Cu e escasez di vivienda cu tin actualmente tur hende tin problema, esta rico y pover. Splique cu su comentarionan por tin consecuencia pa boso matrimonio, dunando e di comprende esaki lo e trata pa comporta su mes mihor. Hopi homber y mujer no ta realiza cu falta di comprension ta fracaso di un matrimonio.

O'stad, 2-10-'82


Apreciable director,

Mi ta contento di por haña e oportunidad aki pa pidi señor un consejo. pa mi problema cu ta molestia mi famia completo. Mi ta tata di dos joei mujer i un homber. Mi ta cuminsa pa acepta cu mi tabata hopi suave pa nan i cu mi mes ta culpabel di e problema. Mi joei mujer major cu mi ta stima masha hopi, awor cu ela bira grandi ta duna mi enorme dolor di cabéz. Fuera cu ta exigiendo basta placa, awor e ta cu un homber casa cu e no por ta feliz mas. Mi a papia cune, pero sin resultado pasobra e ta nengando, mientras cu tur mi famia ta bisando cu ta asina. Tur ta duna mi falta, pasobra segun nan mi no a mustre mi responsabilidad como tata nunca. Mi ta desespera i mi joei no ta comprende esaki. Mi ta apunto di haña un nerveus break down, pasobra mi a confie demasiado. Duna mi un consejo urgentemente.

V.K.

Mi amigo,

Si bo no prepara bo yiunan pa enfrenta bida bo por spera tur cos. Un mayor mester por papia cu su yiunan i splikanan e berdad di bida. Papia cune, pasobra ainda no ta laat. Trata pa haya confiansa den dje. Mi ta comprende bo sufrimento, pero mi ta contento tambe cu bo mes ta acepta bo error. Ta bon tambe pa bo por reduci su actividadnan social pa mustre cu mester tin mas confiansa. Cu papiamento bo ta logra bastante.



Amistad Catering



Si pueblo di Aruba "AMISTAD CATERING SERVICE" ta yuda haci bo fiesta sea di:

Nos servicio ta estilo buffet y ta decora cu e color cu bo ta desea. Tambe nos tin servicio di bar!!

- BATISAMENTO,
- CUMPLEAÑOS,
- MATRIMONIO,
- DESPEDIDAS,
- ANNIVERSARIOS,
- SURPRISE -PARTY'S, etc.

un tremendo exito



Nos tin un surtido grandi di cuminda y snacks na prijs hopi barata, mientras cu nos servicio por ser compara cu cualquier Hotel grandi. Bo ta desea pa bo fiesta bira un exito yama na telefoon 24681 of pasa na Catiri 7, entre 5'or y 8'or di anochi, y puntra pa Ronny Croes.


INCREIBLE ...PERO BERDAD!!

GRANDIOSO LIQUIDACION
PA FIN DI ANJA
TANTEN CU E STOCK TA PERMITI.




**Descuentonan di
F 4000,- te F 6000,-
tur prijs sin trade-in**

FORD GRANADA GL 4 PORTA 1982
WSW, AM/FM radio stereo, RH remote
controlle airco, tinted glass, Quartzclock,
pivoting front Vent. window, power lock
group, power steering, Power window, V-6,
automatic transmission
Price f.28450,-
Factory and Carib Motors
discount f. 5600,-




f. 22850,-

**MERCURY LYNX GS 3 PORTA
HATCH BACK 1982**
WSW, AM/FM radio, tinted glass, airco,
powersteering, 4 cyl, automatic
Price f.21.800,-
Over year discount f. 5.900,-



f. 15.900,-

**MERCURY MARQUIZ 4 PORTA
1982**
WSW AM/FM cassette, h/d battery, luxury
wheel covers, full vinylroof, twin comfort
loung seats, power lock group, dual accent
body side stripes, electronic Quartz clock,
airco, power antenna, power side window,
V-8 255CID, automatic overdrive trans.
Price f.29.950,-
Factory and Carib Motors
discount f. 5.750,-



f. 24.200,-

MERCURY ZEPHYR 4 PORTA 1982
WSW, AM/FM radio, dual remote control
mirror, wire wheel covers, tinted
glass, airco, remote control trunk lid
release, pivoting front vent. window,
power steering, power window, 6 cyl.
automatic
Price f.24.850,-
Carib Motor discount f. 4.000,-




f. 20.850,-

**MERCURY COUGAR GS '82
STATIONWAGON 1982**
WSW, Deluxe luggage rack, AM/FM stereo
radio, RH remote control mirror, H/D
Battery, Wire wheel Covers, Quartz Sweep
hand clock, Powersteering, power window,
V-6-automatic.
Price f.28.950,-
Factory and Carib Motors
discount f. 5.500,-



f. 23.450,-


**GRANADA L 4 PORTA STATIONWAGON
1982**
WSW, AM/FM radio, airco, power door
lock, powersteering, 6 cyl., automatic
Price f.25.275,-
Factory and Carib Motors
discount f. 4.325,-
f. 20.950,-



GRANADA L 4 PORTA 1982
WSW, AM/FM radio, airco, powerdoor
lock, powersteering, 6 cyl., automatic
Price f.25.275,-
Factory and Carib Motors
discount f. 4.325,-
f. 20.950,-



**FORD FAIRMONT FUTURA 4 PORTA
1982**
WSW, Quartz clock, AM/FM radio, H/D
battery, tinted glass airco, power decklid
release, pivoting front vent. window, power-
steering, power window, wire wheel covers,
6 cyl., automatic
Price f.24.850,-
Carib Motor discount f. 4.000,-
f. 20.850,-



FORD FAIRMONT 4 PORTA 1982
WSW, AM/FM radio, two tone, airco, power
steering, 6 cyl., automatic
Price f.22.900,-
Carib Motor over year discount f. 6.000,-
f. 16.900,-

FORD FAIRMONT 4 PORTA 1982
WSW, AM radio, airco, power steering,
6 cyl., automatic,
Price f.22.800,-
Carib Motor discount f. 4.000,-
f. 18.800,-

Pa mas informacion y pa un

test-drive pasa libremente na:

CARIB MOTORS

L.G. Smith Blvd. 112 — Tel. 23475 - 21840